

**Ilay Voa Tsara Nafafy 03  
Aprily 2019**

**Fa toy izao no nitiavan'Andriamanitra izao tontolo izao : nomeny ny Zanany Lahitokana, mba tsy ho very izay rehetra mino Azy, fa hanana fiainana mandrakizay.** Jaona 3. 16

**Isaorana anie Andriamanitra noho ny fanomezany tsy azo tononina.** 2 Korintiana 9. 15

### **Harena iombonana**

Taorianana kelin'ny ady lehibe faharoa dia niasa tao amina mpandrahahara iray misahana momba ny kitay sy saribao aho. Noho ny tsy fisiana ankapobe tamin'izany fotoana iza-ny, dia kely fotsiny no azonay namidy tamin'ny olon-tsotra. Izaho no tompon'andraikitra manara-maso ny fizarana. Nisy zokiolona iray tonga matetika niaraka tamin'ny sarety kely mba hividy kitay. Nokarakaraiko manokana izy. Indray andro dia nanontaniako izy hoe :

— Tsy mandreraka loatra ve ny manosika ity sarety kely feno kitay ity ?

— Mandreraka e, nefà mba fanomezana ho an'ireo zanako izy ity. Tena mahafaly ahy ny manome azy ireo ireto kitay ireto.

Tohina tamin'ny fandavan-tenany aho, ka nanontany hoe :

— Ary fantatrao ve ny fanomezana lehibe indrindra nato-lotra antsika ? Nitraka ilay lahiantitra, izay sondriana namatotra ny harona teo amin'ny sarety keliny, ka hoy izy, sady namirapiratra erè ny masonry :

— Andriamanitra nanome antsika ny Zanany malalany !

Gaga aho, sady tena faly ! Fifandraisana ara-barotra no hany teo aminay, dimy minitra talohan'izao, nefà tampoka teo dia afaka nifampiresaka toy ny mpirahalahy izahay. Ny fahalalaham-pon'ity lahiantitra ity dia nampitodika ny masony tamin'Ilay nanolotra ny harena lehibe indrindra tsy takatry ny saina : Jesosy Kristy nanome ny ainy hamonjy ny olo-na ! Taorianan'izany izahay dia faly nifampiresaka momba ny Tompo sy ny famonjena lehibe nataony.

*Nomenao anay ny zavatra rehetra, Andriamanitra ô,  
Tao amin'i Jesosy Kristy, Ilay fanomezana lehibe indrindra.  
Amin'ny alalany no idiranay ao amin'ny fitoerana masina,  
Amin'ny alalany no isaoranay ny anaranao.*